

Antichrist

Sawa?



Amazing Facts
Poraiani

15



Antchristara

sawa aro maia? Ian namgijagipa dolni bakrimanima ba namgijagipa mandema? Mitamrang agana uni re-baanide mikkangchisa ong-gen. Gipinrang agana ua chengoni Romeni salrangon re-bajok. Indiba Sastro u-iataniko daka je ua da-oba tangkuenga! Sastroni katchinike agananirang skianiko daka je antichristni bil a-gilsakni bon-kamgipa itihasni obostarango nangchongmotgipa kamko ka-gen. Uara sawachim na-a u-iaa? Ma-sibebeama? Na-a ma-sie ra-na nanga, maina na-a ia namgijagipa bilko u-ijaskalde bon-kamgipa salni obostarangi gimin u-ina man-jawa. Gisiko nangatgipa mingsa Poraianiko poraina tarie dongbo!

Ia Poraianiara Daniel odhai 7 o pangchakaha aro antichristni gimin rongtalbeen aro mamungba guala grian u-ie ra-na man-a. Indiba iade agachenganisan ong-aia. Mikkangchini lessonrango uni mitam kamrangni gimin chu-gimikan parakaniko dakgen jean a-gilsak gimikon nangegen. Da-alo na-a maiko sandie nika ian nang-ko namnikgijani ba duk ong-atnaba donga, indiba ka-sapae gisik ra-bo je Daniel 7 ni katchinike agananianiara Jisuoni re-bara, jean nang-na ka-sara. Ia ta-rake skie ra-na nanganiko ning-tue sandianiko dakna Isolni dilaniko bi-bo. Ia Poraiani lessonko poraina skang Daniel 7 ko poraichengbo.



1

Daniel 7 ni a-bachengo, Daniel mangbri matburunrangko sagaloni ong-katbaako nikaha. Katchinike agananio, matburungara maiko mesoka? Maiko sagalara mesoka?

“Ua brigipa matburungara a-gilsako ong-gipa brigipa songnok” (Daniel 7:23). “Nikgimin chirang ... uan manderang aro mande jinmarang aro jatrang aro ku-sikrang ong-a” (Parape-a 17:15).

Aganchakani: Matburung songnok ba jatko mesoka. Chiara mande jinmarang ba mande jelgipako mesoka.

2

Daniel 7 matburung mangbriara songnok dambriko mesoka (pod 17, 18). Babylon, skanggipa songnokko (**Daniel 2:38, 39**), **Daniel 7:4** o janaggipa singhochi mesoka. (**Jeremia 4:7; 50:17, 43, 44 rangkoba nibo**). Do-gamdotni grangara maiko miksonga? Pod 2 ni “balwa dambri” maiko mesoka?

“A-ani ki-tikoni soginni bila gita, ... Jihova nangn-i kosakona rimbagen” (**Deuteronomy 28: 49**).

“Kotokrangni Jihova indine agana, ... a-gilsakni chel-batgipa biapragoniko bilonggipa balmanduriko ong-katatgen. Aro ... Jihovani so-otgimin a-ani ku-chot saoni a-ani ku-chot gipinona donggen” (**Jeremia 25:32, 33**).



Aganchakani: Soginni grang ta-rakaniko mesoka (**Jeremia 4:13; Habakuk 1:6-8 koba nibo**). Balwa dakrika dingrika, golmal aro nisiataniko mesoka (**Parape-a 7:1-3 koba nibo**).

3

Badia songnokko mapil mesoka (Daniel 7:5)? Uni ku-siko guasu ge-gittamranga maiko mesoka?

Aganchakani: Daniel 8 ko poraibo. Chanchiate nibo Daniel odhai 8 ni matburung odhai 7 o man-gipamung apsan ong-a. **Daniel 8:20** o Medo-Persiako mes bipa – uan **pod 22** ni Greece songnokna skang re-bagipa songnok ine dingtangmancha mingaha. Medo-Persia uan gnigipa songnok ong-a – **Daniel 7** ni mapil ong-e apsangipa bil ong-a. Medesrangni songnok skanggipa ong-e ong-katbachengaha (**Daniel 7:5** o samsachipakchini nadobagipa mapilchi mesokaha), indiba Persianrang bilakbatgipa songnok ong-baskaaha (**Daniel 8:3** o mes bipachi mesokaha jeni grongan ge-sa ge-gipinna bate chubatachim). Guasu ge-gittam ge-gittam bilrangko mesoka jekon Medo-Persia amchepaha: Lydia, Babylon, aro Egypt.



4

Greece, gittamgipa songnokko (Daniel 8:21) matchapeng
grang ge-bri aro sko dotbrichi (Daniel 7:6) mesokaha. la
grangrangara maiko mesoka? Maiko sko dotbrirangara
mesoka?

Aganchakani: Grang ge-bri (ge-gni pal singhoo ge-bri donga), ian bebera-na
ampilgija ta-rake Alexanderni sason ka-ani aro cheaniko mesoka
(Jeremia 4:11-13). Sko dot brirangara songnok dambri mesoka jean Alexander
the Greatni siani ja-mano songnok bak dakatako man-aha. General sakbri ua
biaprango sason ka-giparangara Cassander, Lysimachus, Ptolemy, aro Seleucus
ong-a.



5

Rome songnok, brigipa songnok, silgrakni wagamrang
aro grong gongchikkung (Daniel 7:7) gnanggipa bilagipa
kenbegnigipa matburungchi mesokaha. Maiko grongranga
mesoka?

Aganchakani: Grong gongchikkung raja sakchikkung ba songnokrango mesoka jeonan songsarek Rome
bon-chotaode bak dakatako man-aha (Daniel 7:24). (la songnokrangara Daniel 2:41-44 o talatgipa bimangni
ja-arang aro ja-sirang baksa apsan ong-a). Ka-namgijagipa jatrang Rome songnokona napdrabae an-tangni
mandarangna bak dakataha. Ge 10 jatrangoni ge-snide modern Western Europeni a-songrang ong-baahaon
ge-gittamkode pikbrotaha aro nisiatsrangaha. Gipin bako pikbrote galako man-gipa songnokrangni gimin poraigen.



Songsarek Romeni Bak Dakgipa Dam 10 Songnokrang

VISIGOTHS	Spain
ANGLO-SAXONS	England
FRANKS	France
ALEMANNI	Germany
BURGUNDIANS	Switzerland
LOMBARDS	Italy
SUEVI	Portugal
HERULI	Rooted Up
OSTROGOTHS	Rooted Up
VANDALS	Rooted Up

6

Daniel 7 ni katchinike aganano, mai gipin ja-mano ong-aha?

"Anga grongrangni gimin chanchiengon, nibo, uarangni gisepo gipin grong ge-sa, chongipa nakataha, aro uni mikkango skanggipa grong ge-gitam pikbotako man-aha; aro nibo, mandeni mikron gita mikronrang ia grongo gnangchim, aro gaora de-anirangko agangipa ku-sik gnangchim" (Daniel 7:8).



Aganchakani: "Chongipa grong" ni bil uni ja-mano ong-kataha. Anching uko namedake uie rana nanga maina Sastroni gita katchinike aganano aro itihaso uko antichrist (Kristoni bobil) ine talataha. Iani gimin u-ie ra-na mamung gualani dongna nangja.

7

Sastroo antichristko u-ie ra-na rongtalen talatanirangko on-ahama?

Oe. Isolni Katta Daniel 7 o mingsku antichristni cholonrangni gimin mesoke on-aha jechin an-ching uni gimin chong-mot ong-aniko u-ie ra-na man-gen. Saobarangde iani gimin gisiko sa-dikataniko man-naba dongoba, an-ching uarangko Uni skako parape-atahani gita kakket ong-na nangchongmota. Da-o hai an-ching ia mingsku cholonrangni gimin sandie nina.

Aganchakani:

- A. Chongipa grong "uarangni giseponi nakatgengchim" - chong-motan, uan gong chikkung grongrangoni, jerangan damchikkung Saliram Europe songnokrang ong-achim (Daniel 7:8). Uni gimin ian Saliram Europeni banoba chongipa songnok ong-gengchim.
- B. Uan dilgipa ong-e uarangna agangipa mande donggengchim (Daniel 7:8).
- C. Uan damgittam songnokrangko pikbrotgengchim (Daniel 7:8).
- D. Ua gipin dam chikkung songnokrangni dingtangengchim (Daniel 7:24).
- E. Uan rongtalgiparangni kosako dakgrikengchim aro neng-atgengchim (Daniel 7:21, 25).
- F. Ian songsarek Rome Songnok, chong-motan brigipa songnokoni ong-katbagengchim (Daniel 7:7, 8).
- G. Isolni manderangko (rongtalgiparang) uni jako "bilsisa aro bilsigni aro adha bilsana" (Daniel 7:25) on-gengchim.
- H. Uan Isolni kosako dal-gipa, "matnangani kattarangko" agangengchim (Daniel 7:25). Parape-a 13:5 o, ia apsangipa bil "dal-nikanirangko aro kal-stapanirangko" agangen ine Sastro aganaha.
- I. Uan "tik dongimin salrang aro niamko dingtangatna chanchigen" (Daniel 7:25).

Gualnabe — ia pilak ma-sina man-anirang Sastrooni re-bara. Uarang mandeni chanchie ba chanchipe agananirang ong-ja. Itihasko segiparang nang-na badia bilko talataniko dakenga uni gimin bakan agane on-na man-gen maina ia agananirang mingsangipa bilni gimin chong-motan popeni bilko mesoka. Indiba chongmot onganiko uina, hai anching namedake pilak mingsku cholonrangko mingprakporak dake niate nina. Uano mamungba ka-dongchakgijani dongna nangjawa.




8

Popeni bilara ia cholonrang baksa meliama?

Aganchakani: Oe — ian pilakon melia. Hai an-ching sepangbatkale niatna:

- A. Ian Saliram Europe damchikkung songnokrangni giseponi ong-katbaaha.** Geography ni gitade popeni bilara Italy, Romeo ong-a — jean Saliram Europeo ong-a.
- B. Uano skotong ong-e agangipa dilgipa mande donggen.** Popeni bilo ia chinko nikna man-a maina uno dilgipa mande saksa donga — uan pope — jean una agantimgipa ong-a.
- C. Popeni bil bilakataniko man-na songnok damgittam pikbrotako man-aha.** Saliram Europeni rajarang bang-batan Katholikrang ong-a aro popena chakgiparang ong-achim. Dam gittam Arian songnokrang — Vandalrang, Heruli, aro Ostrogothsrang chakjaha. Uni gimin Catholic rajarang uamangko bamatna ba nisiatrangna nanga ine chanchianiko dakaha. Iano maikai saksa Sastroni gimin u-igipa aro itihasko segipa, Dr. Marvyn Maxwell, an-tangni ki-tap God Cares ni volume, jak 129 o indake talataniko dakaha: Catholic raja Zeno (474-491) Ostrogoths baksa 487 bilsio nangrimaniko dakaha, jeon Arianni Heruls songnokko 493 bilsio jolo bon-atsrangaha. Aro Katholik raja Justinian (527-565) Arianni songnokni Ostrogothrangni bilko pe-galaha. Indake Danielni grong ge-gittam — Herulirang, Vandalrang aro Ostrogothsrang pikbrote galako man-aha. Iano popeni bilko u-ie ra-na gita neng-nikani dongja.
- D. Ian gipin songnokrangoni dingtangenchim.**

Popeni bilan ia talataniko dakanio kragipa ong-a, maina uan toromni biloni re-baaha aro uan gipin songnok dam 10 oni dingtangachim.



E. Uan dakgrikgen aro rongtalgiparanko neng-atgen.

Mondolini a-rik sanalaniko dakaniara chong-mot bebe ong-a, aro pope uko dakaha ine ku-rachakaha. Itihasko serikgiparangni aganani gita 50 million janggiranko toromni a-sel nisiatako dakaha. Chinga minggni sakkirangko ka-mao on-enga:

1. “Romeni mondoli pilak gipinrangna bate an-chi ong-atbataha jean mandeni jato pangnaba dongkuja, aro itihasni gimin namedake u-igipa Protestant mandede iani gimin sing-aniko dakjawa.”¹
2. D. Ivan Antonio Llorente, itihaso Spainni Bil Gnange Sandiani gimin talataniko on-a: “Sak 31,912 manderang dosi chanako man-aha aro wal-sareo gimaataniko man-aha,” aro sak 241,450 manderang “an-tangtango bilonggipa duk chakaniko chakna” wate donako man-aha.”

Simsakna Nangani aro Chanchina Nangani Kattarang

Chongipa grongni bilko talatanichi Kristianskarangko matnangena ine darangba chanchijachina, ka-sapae gisik ra-pabo je katchinike agananiara mandeni tarigimin niamni kosakosa ong-a, manderangkode ong-ja. Gimik mondolirangon Catholic bebera-aniko man-gope kakket dakgipa, bebegipa Kristianrang donga. Daniel 7 de bichal ka-ani nama kattasan ong-aia aro bang-a gipin mondolirangni dakaha gita, songsarek miteko olakkigiparang baksa bakrimanina gualaniko namatpilanisan ong-a.

Katchinike Aganani Pilak Bebera-giparangni Gualanirangko Parakaniko Daka

Gipin katchinike agananirang Protestantni aro Jihudini bebera-anirango gualanirangko mesoke on-a. Pilak toromrangon Isolni kakketgipa manderang donga. Uni chong-motgipa manderangde (uamangni je bebera-aniko dakoba) pangnan an-tangtango bamate Gitelni namatna kam ka-aniko ra-chakgen aro uamangni nachilrangko aro ka-tongrangko Uni kosako chipjawa. An-ching mitelna nanga je Isolni Katta mikkang nigija pilak skie ra-anirangon kakket bebe ong-anio agana.

F. Ian brigipa Silgrakni Songnokoni Ong-katgen – Songsarek Romeni Songnok. Chinga rokom gni bilrangni gimin iano segatskaaniko daka:

1. “Bilakgipa Catholic Mondoli Romeni Songnokna on-titisan bata ... Gitcham Rome Songnokni skotong songjinmaan Kristian songnokni skotong ong-baskaaha. Pontifex Maximusni officeon popeba an-tangni officeko dake kam ka-angukaha.”²



- Romeni bakrangko jerangkon ka-namgija dake napdragipa manderang aro Arianrang wate donangaha ... uarang Romeni Bishopni simsakano ong-baskaaha, jean rajachi sason ka-aniko gimatahaon mongsonggipa dilgipa ong-e A-gilsak Romeni Songnokni palo Romeni mondolichi sason ka-skaha, jean chong-motde donganguenga.”³

G. Isolni manderangko (rongtalgiparang) “bilsa sa aro bilsa gni, aro adha bilsina uarangko uni jako on-gen.” Aditarangko talataniko iano dakna nangenga:

- Bilsa sa, bilsigni, aro adha bilsida Sastroni talatani gitade, “Bilsa gitam adha”⁴ ong-a.
- Ia apsan somoikon changsnina kingking Daniel aro Parape-a ki-taprangko janapaha (**Daniel 7:25; 12:7; Parape-a 11:2, 3; 12:6, 14; 13:5**). “Bilsa sa, bilsa gni, aro adha bilsa” rangko changgittam; ja 42 rangko changgni; aro 1,260 salrangko changgnina kingking janapaha. Jihudirangni jakkalgipa sal 30 ni calendaro pangchake, ia somoirangara pilakan apsan somoi ong-aha: $3 \frac{1}{2}$ bilsirang = 42 jarang = 1,260 salrang.
- Katchinike aganano salsara bilsa sako miksonga (**Ezekiel 4:6; Chanani 14:34**).
- Uni gimin, chonggipa grong (antichrist) rongtalgiparangni kosako 1,260 katchinike aganani salrangna bil man-gen; uan 1,260 bilsirangna ong-a.
- Popeni sason ka-ani AD 538 oni a-bachengaha, uan jensalo warachkgipa damgittam Arian songnokrangko pikbrotaniko man-aha. Ia sason ka-aniara 1798 bilsiona kingking ong-anguaha, uan jensalo Napoleoni general Berthier popeko rim-gittange Pope Pius VI ko, aro popeni sason ka-ani bilko nisie galna ka-dongaha. Ia somoian 1,260 salrangna katchinike aganano tik tak chu-sokataniko man-aha. Ian popeko matatani ong-ahachim, indiba ua mataniara nampilataniko man-aha aro da-alonaba an-senge dongkuenga.
- Ia apsangipa a-riksanalani **Mati 24:21** o namjabatsranggipa a-riksanalani ine janapaha jekon Isolni manderang chagrongna nangaha. **Pod 22** an-chingna aganana je iara inditan nisiatani kam ong-aha je Isol somoiko bakan-dikatjagenchimode saksani janggiba tange dongna man-jawachim. Indiba Isol somoiko kan-dikataha. Ru-utgijan 1798 bilsio pope rim-gittanga man-ahaon a-riksanalani ba dongtongaha. Ianon rongtalbeen nikna man-a je ian popeni sason ka-aniko mesokna kragipa ong-aha.

Katchinike Aganani Somoi:

Somoi	=	Bilsa 1
Somoirang	=	Bilsa 2
$\frac{1}{2}$ somoi	=	$\frac{1}{2}$ bilsa

H. Ia bilan Chubatsranggipani [Isol] kosako “matnange agangen.” Sastroo matnange agananiko minggni dake talataniko daka:

- Paprangko kema ka-na bil donga (**Luk 5:21**).
- An-tangko Isol dakata (**Johan 10:33**).

Ian popeko mesokna kragipa ong-ama? Oe. Hai an-ching skanggipa paprangko kema ka-na man-a ine a-kange ra-gipa sakkiko seoniko niate nina: “Kamalara paprangko chong-mot kema ka-na man-bebeama, ba uasan uarangko ra-angna man-a ine parakataniko dakahama? Kamal an-tangna Kristochi on-gipa bilo pangchake paprangko kema ka-na man-a.”⁵ Pope a-gilsakni kamalna pap kema watani bilko on-e Jisuko gamchatgija ong-ataha, indake Jisuko, an-chingni Dal-gipa Kamalko (**Ibrirangna 3:1; 8:1, 2**) aro Baltichakgipako (**1 Timothy 2:5**) watchanggalaha. Uni ja-mano, an-tangko Isol ine a-kange ra-aniko

chanchiate nibo: "Chinga (poperangde) Bilakgipa Isolni biapko ia a-gilsako man-aha."⁶ Iano bang-bate sakkirangko nikna man-a: "Pope Kristo Jisuni palo ong-aigipasan ong-aija indiba uan be-enni pindapanio donugimin Jisu Kristo ong-a."⁷



I. Uan, "tik dongimin salrang aro niamko dingtangatna ...

chanchigen." Mikkangchi Poraianio, an-ching "somoirangni" gimin chanchie ra-aniko dakgen. Ian mongsonggipa chanchiani ja-pang katta ong-a aro dingtang dake chanchianiko dakna nangenga. Indiba "niam" ko dingtangatani giminara mai ong-gen? Sastroo, "niamko" "niam" ine pe-aha. Iano niatna nanganide Isolni niamko dingtangatani gimin ong-eng. Beben, darangba uko chong-motde dingtangatna man-ja, indiba pope dingtangatna jotton ka-ahama? Aganchakanide oe, dingtangatna jotton ka-aha. Uamangni catechism o, pope gnipa ge-etanio janapgipa bimangrangko olakkianiko ra-galaha aro brigipa ge-etaniko 94 kattarargoniko chet ona kan-dikataha aro chikkunggipoa ge-etaniko minggni ge-etanirang dake sualskaaha. (Iako an-tangna sandie nibo. Ge-eta Miangchikkungko Katolikni catechism o segipako **Reongkata 20:2-17** o segipa Isolni dongimin ge-etanirang baksa tosusae nibo).

Uano mamungba bebera-na amgjiani dongja je **Daniel 7** o janapgipa ia chongipa grongara (antichrist) popeko miksonga. Darang gipin dolde ia mingsku chanchianirang baksa melija. Aro, ian maibakai ong-gakgipa gitalgipa skianiba ong-ja. Gital daktaianina kamko ka-gipa (Reformer) sakantian, mamungba watchangalgijan, popeko antichrist ine aganaha.⁸

¹ W.E.H. Lkey, *History of the rise and influence of the spirit of Rationalism in Europe* Volume 2, page 2, 40)

² Alexander Clarence Flick, *The rise of the Mediaeval Church*, 148, 149.

³ Adolf Hamack, *What is Christianity?* (New York: second edition, revised, 1901) 269, 270.

⁴ *Amplified Bible*, La Hbra, CA. The Lockman Foundation, 2015.

⁵ Joseph Deharbe, S.J. *A Complete Catechism of the Catholic Religion* (New York: Schwartz, Kirwin & Fauss, 1912) 279.

⁶ Pope Leo xiii, *Encyclical Letter The Reunion of the Christendom* (dated June 20, 1894) trans. in the *Great Encyclical Letters of pope Leo xiii* (New York: Benziger, 1903) 304.

⁷ *Catholic National*, July 1895.

⁸ R. Allan Anderson, *Unfolding the Revelation*, 137.



**Kristoni bobil
(Antichrist)
Isolni niamko
dingtangatna
chanchigen ine
Sastro agana.**

9

Uni ki-tapko “bon-kamani salona kingking” (Daniel 12:4) mohor su-e chipchina Danielko aganjahachimma? Basako Danielni katchinike agananirango an-chingni ma-sianiona oprake on-gen?

Aganchakani: Daniel 12:4 o, katchinikgipako “bon-kamani salona kingking” mohor su-e chipchangchina aganaha. **Pod 6** o sa-greni ku-rang indine aganaha, “la aiao inmanpil-anirangni bon-aona badita ru-utgen?”

Pod 7 o agana, “uan bilsa sa, bilsa gni, aro adha ong-gen.” Sa-gre Danielna ka-dongataniko on-aha je ia bako katchinike agananiko 1,260 popeni bilchi sason ka-a matchoto oprake on-gen, jekon an-chingni ia Poraianiko Dakanio gitade, 1798 bilsio ong-gen. Uni gimin somoini bon-chotani a-bachenganide 1798 bilsio ong-aha. An-ching indake nikna man-aha je, Danielni ki-tapo segiparang da-alo an-chingna namen nangchongmotgipa nama kattarang donga. An-ching uarango ma-sina nangchongmota.




10

Da-alo bang-a Kristianrangan antichristni gimin ong-gija dake u-iataniko man-aha. Antichristni gimin ong-gija dake bebera-aniara mandeko tol-napaniosan dilanga. Jensalo Sastroni gitalgipa skianirango chagrongon mandeara maiko dakna nanga?

“Iamang Thessalonikarangna bate nambatachim, maina iamang kattako namnikbee ra-chake, indake ong-ama ong-ja ine salanti Sastroniko am-e nie chanchiachim” (Watatarang 17:11).



Aganchakani: Jensalo Sastroni gitalgipa skianirango chagrongna nangun, Isolni Katta baksa meliama melija Sastro baksa simsake tosusae niachisanmangmang naljokani man-a.



11

Jechi Jisu dilenga, saknaani ong-genchimoba ugitan na-a ja-rikna sikgenma?

Nang-ni Aganchakani:

Matchotatna Agananirang

Sastroni Daniel aro Parape-a ki-tapranoniko bang-a nangchongmotbegipa katchinike agananirangko Aiao Inmangipa Chong-mot Ong-anirangni gimin Poraianirango skie ra-na man-gen. Isol ia katchinike agananirangko on-aha:

- A.** A-gilsakni bon-kamgipa obostarangni gimin parape-a
- B.** Jisu aro Satanni gisepo bon-kamggipa dakgrikanio bakko ra-giparangko mesoka
- C.** An-ching pilakkon ja-gao ke-atna Satanni namgijako dakna miksonganirangko rongtalen parape-a
- D.** Bichal ka-ani naljokani aro ka-saaniko mesoke on-a; Isolni rongtalgiparang kakket rai on-aniko man-gen!
- E.** Jisuko – Uni janggi jokatani, ka-saako, bilko, ka-sachakaniko, aro kakket bichal ka-aniko de-doani.

Mongsonggipa Bakko Ra-giparang Ong-kataitaigen

Jisu aro Satanni gisepo bon-kamgipa dakgrikanio mongsonggipa bakko ra-giparangko ia katchinike seanirango niktaitaigen. Iano: Jisu, United States, pope, Protestant dolrang, aro Me-mang Muni Pigiparang. Jisu katchinike seanirangoniko An-tangni ka-saanian gaggipa mikrakatanirangko dakna aro naljokataniko on-na An-tangni skianirangko daktaitaia aro apalbatata.

Nang·ni Sing·anirangna Aganchakaha

1. Antichristara mandesa, dol ong·ja ine anga pangnan chanchironga. Angara gualengama?

Aganchakani: Poraianio antichristara dol daggipa dolsa ine sakkiko on-aha – uan popeni bil ong-a. **Daniel 7:8** o “mandeni mikron gita mikronrang” ingipara dilgipa saksako mesokaniko daka. **Parape-a 13:18** o mandeni gimin agana jeon nombor donga. **Daniel 8** o, Greece songnokko merang nganggipa do-bok bipachi dilgipa, Alexander the Greatko, grongchi mesokaha. Apsandake antichristba ong-a. Ua dolara popechi sason ka-gipa bil ong-a. Popean officeo kam kadilgipa ong-a. **Daniel 7** ni katchinike aganania poperangko namgijagiparang ong-a aro Katolikrangara Kristianrang ong·ja ine aganjaenga. Uano bang-a namgipa aro ka-saania gaggipa Katolik Kristianrang donga. Indioba uni skianiko antichrist mingaha maina uan Jisuni bilko ra-sekna aro Uni niamko dingtangatna jotton ka-aha.

2. Kristian manderangna manichina drae niamko dingtangatna kamko ka-aniara gisik seng·ani ong-a ine na-a chanchiama?

Aganchakani: Ong·ja. Sastro rongtalen talataniko dakaha je uamang Isolko jegalna baseaniko dakgengchimoba, pilakan jakgitele an-tangtangni namnikani gita bebera-atangko basena man-a (**Joshua 24:15**). Ong-atgipaan Adam aro Hobana basee ra-ani bilko on-aha. Drae olakkianiko dakaniara diabolni skiani ong-a. Isolni skianiera ka-saania gaggipa mol-molani ong-a. Itihaso serikanio mesokaniko dakaha je changantion mondoli drae bebera-na niamko donaha, aro a-riksanalani aro so-otanirangko dakaha. Chasong Bijatchini somoio ong-gipa chongipa grongni itihasoniko, ia skianiko an-ching skie ra-na man-a.

3. Haida angasa ma-sisretahakon, indiba angni chanchia gitade antichristara parake Isolko jegalgipa namgijagipa mande ong-a. Ia chanchianiara ong-jama?

Aganchakani: An-chingni aganbewalode English katta “anti” ingipa kattara “saniba kosako bobil daggipa” ine miksongani ong-a. Ian saniba “biapko” ba “uni palo” ong-skagipa” ineba ong-a. Antichristara Isolni bilrangko ra-ahani gimin sasti on-ako man-na nangaha. Indine a-kange ra-aha:

- A. Uni kamalrang paprangko watna man-a – jekon Isolsanmangmang dakna man-a (**Luk 5:21**).
- B. Isolni niamni ngigipa ge-etaniko (bimangrangko olakkiani) ra-galaha aro chikkunggipa ge-etaniko bakgni dakataha. Isolni niamko dingtangatna man·ja (**Mati 5:18**).
- C. Popean a-gilsakode Isol ong-a.

A-bachengaonin Satanni Miksongani

Satanni a-bachengaonin miksonganide an-tangko Isol gita dakani aro bilko raa-nian ong-a. Isolko a-rikate Uni biapo sason ka-na am-anian uni miksongani ong-a. (Poraiani 2 ko nibo). Jensalo Satanko salgioniko galatahaon, uni miksonganiko dingtangatjaha indiba batesa biladapataha. Chasongjolnan ua dingtang dingtang mandeni bilrangchi, Isolna bimungko on-gija aro Uni biapko ras-ekna kamko ka-aha.



Antichrist Toromi Gita An-tangko Nikata

Bon-kamani salrango manderangko antichristko jarikatna tol-napanichi Satan Isolni biapko ra-na miksonga, jean toromi aro rongtalgipa dake an-tangko nikata. Daniel aro Parape-ani katchinike seanirangni mongsongggipa miksonganaiara Satanni ja-garangko aro miksonganirangko parake mesokna ong-a aro manderangko Jisuo kimkim ong-e aro Uni Kattao naljoke dongna dilangani ong-a.

Antichrist Bang-ako Tol-napgen

Bang-a manderangan Kristoko ja-rikenga ine antichristko ja-riktokgen (**Parape-a 13:3**). Segiminrangsanmangmang jokatako man-gen (**Mati 24:23, 24**). Uamang naljokataniko man-gen maina uamang pilak gisikni gita skianirangko aro dilgipako Sastrochi porikka ka-e niaha (**Isaia 8:20**). Toromni gita tol-napani pilakchin ong-a. An-ching simsake dongna man-rongja.

4. 1 Johan 2:18-22 o bang-a antichistrang donggen ine Sastroara aganjachimma?

Aganchakani: Oe, chasongjolnan uano bang-a antichistrang dongaha jerangan Isolni songnokni kosako kam ka-aha. Indioba, uano dingtangmanchagipa bimang jean antichristni cholonrangko ra-e katchinike agansoaniko chu-sokataha. **Daniel odhai 7 aro 8 aro Parape-a 13** rango, na-a antichristni mingchikkung cholonrangko u-ie ra-na man-gen. Ia ming 10 u-iani chinrangara ge-sangipa bimango, chong-motan popeo chu-sokaha.

5. Katchinike aganania, “matburung” ni ortoara “matburung gita ong-ani” cholonrang dongama?

Aganchakani: Ong-ja. Isol matburungni chinko sason ka-gipa, jat ma-chong, sorkari, ba songnokko mesokna jakkalronga. Ian katchinike aganania Uni a-gilsakni sason ka-gipa sorkarirangko mesokna jakkalani ong-a. Anching antangtangba iako aditanade jakkala: An-ching Russia a-songko talatna mapilchi talataniko dakaha, United Statesko do-gamdotchi mesokaha, etc. “Matburung” ni chinnara onchepe ra-ani, mandera-gijani dake jakkalani ong-ja. Ian “matburung” ba “jontu” baksa apsan ong-aniko talatanisan ong-a. Kristokoba Mes Bi-sa ine Johan Napbolatgipachi (**Johan 1:29**) aro WatatarangJohanchi talatna mesokaha (**Parape-a 5:6, 9, 12, 13**). Isol “matburung” ingipa kattako jatrang aro dilgiparangni nama aro namgijakni gimin u-iatna an-chingna on-aha.

Nang.ni agananiko ba sing.anirangko iano sebo



15



16



17



18




19



20



21



22



23



24



25



26



27

Ia Poraianiko Dakdilani lesson 27ni lesson sa ong-a.

Poraianiko Dakdilani lessonprakon aiao inmangipa chong-mot ong-anirangchi gapataniko man-aha jean nang-na aro nangni nokdangna namgni ong-gen. Mingsakoba watchanggalnabel!

Poraiani 15: Antichrist Sawa?

Poraiani 16: Kosakoni watatgipa Sa-greni Nama Kattarang

Poraiani 17: Isol Miksonganirangko Tarisoaha

Poraiani 18: Tik Dongimin Somoio!

Poraiani 19: Bon-kamgipa Bichal Ka-ani

Poraiani 20: Matburungni Chin

Poraiani 21: Sastroo USA ko Katchinike Agansoani

Poraiani 22: "Sakgipin" Me-chik

Poraiani 23: Kristoni Namchik

Poraiani 24: Isolara Sima Nigiparangko Dilahama?

Poraiani 25: An-chingara Isolo Ka-dongchakama?

Poraiani 26: Dingtangatna Man-gipa Ka-saani

Poraiani 27: Re-bapilani Dongjawa

Jensalo na-a Poraini 14 ni skanggipako matchotahaon, bang-bate poraidapaniko dakna chingoniko bi-atbo:

Amazing Facts India, Post Box No 51, Banjara Hills, Hyderabad -500034

Ia Summary Sheet-ko matchotna skang ia lesson-ko poraichengbo. Aganchakani gimikkon Study guide-o man.gen. ong.gipa aganchakani-o check(✓)- ko donbo. **Parenthesis-o ong.gipa number-rang (1) badita ming aganchakanirang ong.a uko mesoka.**

Form-ko gapatna “Adobe reader” ko jakkalbo.

1. Badia songnok dambrirangko Daniel 7o matburungrangni chinrangchi mesokaha? (4)

Sweden
Egypt
Greece
China
Medo-Persia
Japan
Babylon
Iraq
Rome

2. Ka.mao on.gipa ge.bri sentence rango katchinike aganani chinrangni chong. motgipa ortoko ka.mao on.gimin list-o donggipa kattani sambao donggipa oikorrangoni mingsako jakkale gapatbo. (4)

A nisiatani B bilsisa C jatrang
D manderang E ta-rakani

Mesokani: Matburungrang songnokrangko ba
C mesoka.

Sagal ba chi bang-bea mesoka.

Grangrang mesoka.

Balwarang dagrik, dinggrikani, aro mesoka.

Katchinike aganano salsara ong.a.

3. Kenbegnigipa matburungrangni grong 10 ara (1)

Chikkung bilsirangko mesoka.
Dingtangmanchagipa dam songjinmarangko mesoka
Sa-grerang
Man-e Cha-anirang
Songnokrang jeonan songsarek Rome ka-sine bak dakataka man-aha.

4. Badita jatrang ba a-songrangko chongipa grongni bil pikbrotaha? (1)

Chet
Sa
Dok
Gittam

5. Chongipa grongni bil ba antichrist (1)

Babylonni generalrangoni saksako mesoka
Gitcham songsarek Romeni salrango donggipa namgijagipa sason ka-gipako mesoka.
Namgijagipa bil jean Jisuni gnigipa re-bapilani ja-mano chakatnasigipako mesoka.
Isol dongja ine bebera-gipako mesoka
Popeni bilko mesoka

6. Chongipa grongni (antichrist) bilni gimin chong-motgipa agananiko ka-mao on-sogiparanogniko sandie nibo: (3)

Ian Egyptoni re-bara.
Ian Isolni manderangko neng-atgen.
Babylonni ga-akani ja-mano ian rang-san ong-kataha.
Ian Isolni kosako matnangani kattarangko agangen.
Ian Isolni niamko dingtangatna chanchigen.

7. Katchinike agananion, “bilsisa, bilsigni, aro adha bilsil” ara (1)

Bilsil gittam adha salrang
42 bilsirang
1,260 bilsirang

8. Basakoni “bon-kamani salara” a-bachengaha? (1)

AD 31
AD 1991
AD 588
AD 1798
9. Antichristara mande ong-ja indiba dol dakgipasa ong-a. (1)

Ong-a ong-ja
10. Antichrist da-aloba donga. (1)

Donga Dongja
11. Isol niamchi draate chong-motgipa olakkianiko ra-chaka (1)

Ong-a Ong-ja
12. General Berthierni popeko rim-gittanganiara popeni bilko matata gitasan ong-aia. Uni siani matani namna a-bachengaha aro da-o an-sengbaengaha. (1)

Ong-a Ong-ja
13. Ka-mao on-sogipa kattarangoni badiasa Isolni manderangko bon-kamani salrango naljoke rakkigen? (1)

Skiprakna skie ra-bo.
Mande jinmao bi-bo.
Sastrochi pilak toromni gimin skianirangko porikka ka-e nibo.
14. Uan rakdugagipa ong-genchimoba, Jisu jechi dila unona ja-rikna na-a skengama?

Oe. Ong-ja.

Kosako sing.anirangna bon.e aganchakbo!



Nang.ni bimung, email aro phone no. ko enroll ka.na gita gapatbo.
Nang.ni minggipin indin on.gipa Study guide-ko man.a gita “Submit” ingipao click ka.bo.

Nang.ni bimung :					
Nang.ni Email :					
Phone Number :					
Nang.ni Address :					
City, District :		State :		Country :	
Pin :		Bilsı :		Misi :	

Nang.ni contact info-ko tik dake on.bo